

烈祖成績

安積覺編次

卷六

リケ5
742
6



伊門
號 742
卷 6



烈祖成績卷之六 起天正十一年
終十三年

安積覺 編次

天正十一年癸未正月朔。參河遠江駿河甲斐信濃五州之

士登濱松城。謁神祖及世子長麻呂賀新正。○按台德公為

月蓋在此前說見慶長五年又按諸書皆書秀忠公而秀字

豐臣秀吉公所授在下文十八年諸書追稱之也今從其實

十六日。神祖如岡崎城。十八日。織田信雄來岡崎。謁神祖談

事。人草知其故。二十日。神祖狩于吉良。閏月朔。還濱松城。年譜

創業記家忠日記松榮紀事 松平康親頻年在三枚橋城。善拒小田原之

兵。二月十二日。神祖賞其功。賜康親書。加給駿州河東二郡

地。二十日。柴田康忠率甲州兵。出信州佐久郡。攻小室巖尾

烈祖成績卷六

二城依田信蕃不假佗兵欲以己兵取巖尾城與弟加賀守

信幸及信春急進攻之家忠日記松榮紀事○上文十年十月二書並書神祖賜書信蕃及弟善

九郎源八郎而無名至此書信幸信春一本德川記抄書源

八郎同信蕃戰死而無名蓋信幸源八郎之名而更稱加賀

守乎然上文叙善九郎之下此叙城雖陷信蕃兄弟三人皆

善九郎之上兄弟失序未知為誰

中鏡矢而死城主巖尾小二郎奔京師神祖惜信蕃之戰死

召長子源十郎次子新六郎賜松平氏授源十郎諱字稱松

平修理亮康國據雜錄依田肥前守信守所書家系叙爵賜

諱字在十五年蓋諸書追書之也今從之

三月神祖使大久保忠世赴信州康國尚幼故遣忠世經略

之忠世與康國攻小諸城拔之城主大道寺駿河守政繁敗

走諸書無駿河守之名松尾小笠原系圖作盛昌上杉景勝

今據家忠日記十八年攻小田原城文書之

守川中島踰月不能出兵佐久郡悉平年譜創業記家忠日

紀事上文云柴田康忠攻上杉景勝部下小諸巖尾二城按

大道寺駿河守北條氏之重臣而非景勝之將蓋北條氏直

使駿河守取之也故今闕疑不書景勝部下紀事又云忠世

入佐久郡景勝之兵高阪彈正雖奮戰不利按彈正虎綱長

子源五郎戰死長篠虎綱死武田勝賴以源五郎弟襲稱源

五郎統領部曲勝賴滅後降于景勝而改稱彈正乎然無明

據故是役也小幡昌忠知久賴氏河窪信俊戰于巖尾前山

不取

大久保忠教戰于田口各獲首級杉原大和守直明戰于佐

久郡有功三枝土佐守昌善攻相木砦拔之松榮十四日屋

代左衛門勝永後為越就酒井忠次請屬麾下神祖屢賜書

以獎諭之授信州更級郡二十八日賜諏訪郡於諏訪賴忠

四月二十一日羽柴秀吉與柴田勝家戰于江州志津嶽柳

烈且責

瀨大敗之。勝家奔還越前北莊城。二十四日。勝家自殺。年譜創業

記家忠日記。秀吉譜。松榮紀事。神祖以小栗又六為使。勞問秀吉。松榮紀事。織田

信孝黨于勝家。在岐阜城。秀吉移兵圍之。織田信雄誘信孝

出城。至智多内海自殺。創業記。秀吉譜。年譜附尾。二十八日。神祖如甲州。

小笠原貞慶。諏訪賴忠。真田昌幸。保科正直來謁。創業記。○

慶去年謀叛。至此歸款。按貞慶或叛或服。說在十三年。五月十日。神祖至自甲州。○松榮紀

事曰。神祖將兵至江州。聞勝家敗死。還濱松。按秀吉公攻勝家兵力有餘。未嘗乞援于神祖。蓋誤以甲州為江州。故從而

為說也。今從年譜創業記。家忠日記。二十一日。以石川數正為使。贈初花小壺

於羽柴秀吉。年譜。家忠日記。松榮紀事。是日左近衛少將羽柴秀吉為參

議。叙從四位下。修築攝州大坂城。徙居焉。公卿補任。家忠日記。秀吉譜。松榮紀

事。七月。神祖第二女嫁北條氏直。年譜。創業記。家忠日記。松榮紀事。○據源流綜貫氏

直卒。夫人再醮。池田輝政。生數子。輝政卒。為尼。號良照院。酒井忠次送至小田原。矢部四

郎右衛門。鶉殿大隅守為勝氏直。贈一文字刀。貞宗短刀於

忠次。八月六日。羽柴秀吉以津田左馬允為使。贈不動國行

刀於神祖。二十四日。神祖如甲州。定國中法令。是月賜信州

上田城於真田昌幸。年譜。創業記。家忠日記。松榮紀事。九月十三日。神祖第

五子萬千代麻呂生於濱松城。長而名信吉。出繼故穴山梅

雪家。稱武田五郎。德川家譜。源流綜貫。十月五日。神祖叙正四位下。七

日。為左近衛權中將。年譜。創業記。公卿補任。家忠日記。十一月十五日。還自

甲府。至駿府城。十二月四日。還濱松。年譜。創業記。家忠日記。是歲。修駿

州長窪故壘使稻垣長茂戍之。家忠日記賜江尻城於天野康景。

松榮紀事○本書曰是歲高木九助廣正致仕賜其子甚左衛門正綱家督領步卒五十人戍武州忍城按是時忍城在

北條氏政管内不應越敵國戍之故今闕疑不書又賜信州松尾城於小笠原信嶺

復其舊。松尾小笠原系圖

十二年甲申二月二十七日神祖叙從三位為參議。年譜創業記公卿補任家忠日記

記松榮紀事羽柴秀吉在大阪城威名日盛織田信雄忿其疆梁漸生猜

隙信雄之將松島城主津川玄蕃允近治。斯波治部大輔義良子星崎城主岡

田長門守刈安賀城主淺井田宮麻呂素有勇名秀吉欲離間之稱

其勇敢厚遇之。○諸書但云秀吉稱其勇厚遇之而無離間字按秀吉公厚遇三將者欲使信雄疑之以為兵端此

其本謀也今逆意書之信雄侍臣讒之信雄果疑三將有貳欲與秀吉絕神

祖不忘信長之舊好善遇信雄聞其與秀吉有隙遣酒井重

忠於清洲以通謀秀吉召近治長門守田宮麻呂及瀧川三

郎兵衛勝雅於大阪城。勝雅初為僧號源淨院養髮稱瀧川三郎兵衛後事秀吉公有寵賜氏稱

羽柴下總守為勢州神戶城主○按伊勢國司軍記勝雅作雄親松榮紀事作雄利今從秀吉譜接遇款曲

諭與信雄無嫌隙三將悅欲歸尾州告信雄赴尼崎勝雅獨

由伊賀路遣使清洲讒三將阿黨秀吉有密謀信雄信之三

月三日名近治長門守田宮麻呂於長島城殺之。年譜創業記家忠日記

記秀吉譜德川歷代松榮紀事長門守弟將監聞變。太閤記家忠日記將監作勝五郎今從水野系

圖松榮紀事與家臣天野五右衛門阪井下總赤川總左衛門須

賀太左衛門等據星崎城反。按水野系圖五右衛門據本治城六日信雄使

烈且責

卷六

四

川屋城主水野忠重勝成父子圍之。城兵拒守。忠重父子力戰攻之。縱火天野五右衛門所守城下之營燒之。城兵開門出戰。忠重之兵鈴木與八郎突傷須賀太左衛門。擠之橋下。勝成進入五右衛門之壘。城兵放箭飛石捍之。勝成之兵巖村作右衛門中箭死。其餘死傷頗多。城兵雖有利。懼無援軍。致城而去。忠重父子攻古奈部城拔之。報捷於神祖及信雄。家忠日記信雄既殺三將。遂與秀吉絕。謀起兵討之。遣使濱松乞援。神祖應之。信雄又乞援于池田勝入森長可。秀吉亦遣使勝入。啗重利以誘之。勝入從之。長可其女壻也。故亦從之。年譜創業記家忠日記松榮紀事民間流言。此條氏直伺隙將襲駿河。神

祖使松平康親守沼津城。牧野康成守長窪城。天野康景守興國寺城。以備不虞。鳥居元忠平巖親吉及武川將士鎮撫甲州。大久保忠世及信州將士備上杉景勝之兵。松榮紀事九日信雄之將佐久間駿河守正勝。右衛門尉信盛子初稱甚九郎山口長二郎重政。平兵衛盛政子後為但馬守晚年更任修理亮率五千餘騎。向佐治新介所據龜山城。縱火街巷。至勢州嶺城。秀吉譜年譜附尾作長島城今從太閤記家忠日記鷲峰文集山口修築故壘。以邀秀吉。蒲生忠三郎氏鄉。右兵衛大夫賢秀子重政碑初名賦。秀任飛驒守。至參議。從四位下。領奧州會津一百萬石。長谷川秀一。日根野備中守弘就等部屬兵。弘就舊齋藤龍興部將與弟彌次右衛門有勇名世稱日根野兄弟合一萬餘騎攻嶺城。尾州犬山城主中川島右衛門及關甚五兵衛。按

烈祖藏續
卷六

甚五兵衛武田信玄步卒隊將蓋勝賴滅後事信雄也率兵四千餘騎助守嶺城堞壁

未成不能拒敵故戰於城外城兵不利正勝重政退入城甚

五兵衛戰死城兵死者三百餘人城將陷敵兵聞神祖為援

軍畏其武威不敢進其夜正勝率兵出城去家忠日記○山口重政碑曰十

日秀吉大軍來進隔川相戰信雄兵敗走重政提槍却敵扶

正勝入城我士卒為敵被遮不得入城者多矣秀吉兵進逼

城門正勝與重政開門擊走之使我兵入城中守之其夜正勝引兵還長島附以備攻勘右衛門將還

犬山城池尻平左衛門以私忿殺之於途秀吉譜年譜附尾並云勘右衛門赴

長島城將還平左衛門殺之於途而不書其故今據家忠日記十日神祖將兵發濱松酒井

忠次為前鋒年譜創業記家忠日記松榮紀事作七日今從一本德川記抄十三日神祖至

清洲謂信雄曰秀吉將兵而來吾能擊却之君其勿憂矣信

雄悅年譜創業記秀吉譜中川勘右衛門既死犬山城無守將十四日

池田勝入與其子之助謀以村民為鄉導乘夜急攻犬山城

城兵惶遽不能拒勘右衛門叔父僧清藏主力戰而死城遂

陷家忠日記松榮紀事是夜神祖在清洲謂信雄曰小牧山在尾州中

而必爭之地也可築砦于此以對秀吉之軍明日須令榊原

小平太偵敵本多康重諫曰往年武田勝賴侮我軍涉川出

戰而不利請善慮之酒井忠次曰長篠之戰我兵強練今秀

吉之兵柔弱拙於兵法豈與彼同哉明日臣先往取此地無

敵則以烽火報之十五日忠次先發神祖及信雄出師中路

見忠次舉烽是日勝入父子進至小牧山側近縱火神祖見

煙起曰此必勝入也急進兵勝入速歸犬山神祖深憾不擊其不意遂下令築砦于小牧山十六日神祖屯落合邑一本德川

抄記十七日森長可陣于羽黑酒井忠次謁神祖曰長可勇猛

京師人稱曰鬼武藏彼亦自矜其勇請一戰破之使關西人喪膽且知參河武士之勇神祖許之忠次即與松平家忠奧平信昌松平家信大須賀康高丹羽氏次率兵縱火樂田羽黑五郎丸側近民屋以劫之長可與尾藤甚右衛門一成屯于羽黑八幡林鳥居之前忠次與諸將攻之兩軍隔水使士卒挑戰雌雄未決長可隊長隅田內藏允麾衆而進與平信昌使銃手擊之內藏允中鉛而斃長可怒進兵一成亦從之

奧平信昌單騎涉水餘衆爭進奮擊長可敗走斬首三百餘級長可之兵野呂介左衛門還戰松平家信時年十六與之鬪介左衛門軀幹長大膂力邁人揮大刀擊之家信幼弱以小刀接戰料不敵捨刀相搏介左衛門擊家信而踏之將取首家信從兵馳來救之家信遂獲介左衛門首上之神祖賞其弱而勇敢賜書褒之獎與平信昌先登之功賜一文字刀

年譜創業記家忠日記太閤記一本德川記抄松榮紀事池田勝入與子之助稻葉一鐵

遠藤左馬助慶隆後任但馬守詳注于慶長五年率兵三萬餘騎屯犬山下

聞森長可敗大駭欲急向羽黑決戰一鐵亦銳意求戰勝入之兵片桐半右衛門扣馬諫曰敵兵乘勝來進其鋒不可當

戰必不利。不如據高陽。待敵至以戰。勝入從之。分兵為三隊。陣于犬山上。欲待一鐵接戰。自高直下。馳突以敗我兵。候騎來告。神祖下令。使速撤軍。酒井忠次與平信昌等。收兵還小牧山。勝入失謀。引兵而退。家忠日記。松榮紀事。尾藤一成監勝入長可軍。秀吉自大阪馳書戒之曰。敵雖挑戰。必勿出兵。勝入長可矜勇侮敵。慎勿使之輕戰。太閤記。秀吉譜。一本。德川記抄。松榮紀事。小臣按。小瀨道喜評曰。世人稱森長可為似父可成之勇武。遂至有鬼武藏之稱。其能戰勝者。皆對小敵也。以此擬大軍。此少年血氣之所為。而取敗之道也。神祖數與武田信玄戰。老練軍事。長可宜審謀畫。備銃矢於羽黑邑。翳林藪。

擊其來進者。須日暮。乘夜縱擊。則縱為大軍。或能勝矣。寡兵而離邑。陣于八幡林。此其所以敗也。尾藤甚右衛門矜己勇以侮敵。氣象與長可相類。以此監其軍。秀吉公之過也。臣竊謂不然。兵無常形。變化在呼吸。紙上談兵甚易。馬上指麾甚難。彼能為之。我必出彼智慮之外以困之。神祖英略明敏。豈陷彼之計而夜戰取敗乎。秀吉公懸算不爽。馳書以戒之。其可警乎。然其論長可恃勝銜勇則善矣。二十一日。秀吉將兵十二萬五千餘騎發大阪。年譜。創業記。家忠日記。松榮紀事。二十三日。神祖命諸將修築蟹清水外山村宇田津村。若二十四日。築比良城為要害。修春日部郡小幡舊壘。築若

以通參州道路使本多廣孝穗阪常陸成之。家忠日記二十七日。

秀吉涉鵜沼川至犬山城以筒井四郎伊藤掃部為前軍山

崎源太左衛門池田孫二郎多賀新左衛門淺野彌兵衛長

政。據堀正意所撰淺野家譜長政之父安井彌兵衛與信長

公弓手淺野又右衛門長勝為親族長勝無子養二女長

女嫁秀吉公即高臺院也次女嫁長政長政有武幹嗣淺野

氏為弓手事秀吉公叙從五位下任彈正少弼為五奉行之一

一柳市介直末。又右衛門直高子後為伊豆守為二軍三好孫七郎秀次

三位法印一路子秀吉公甥為三好山城守康長入道笑巖

養子冒三好氏秀吉公養為子授豐臣姓至關白內大臣

為三軍長谷川秀一。日根野弘就為四軍堀久太郎秀政。後

左衛門長岡忠興為五軍氏家久右衛門瀨田左馬允木下半

右衛門等為六軍牧野長兵衛蒲生氏鄉及甲賀士為七軍

伊藤牛之助高田小五郎等為八軍八重葉左衛門毛利河

內守等為九軍秀吉自將中軍織田三郎富田平右衛門知

信。後為左近將監片桐助作且元。初名直盛後為改今名加藤虎之助清正

彈正清忠子後稱主計頭叙從四位下任侍從肥後守為肥後熊本城主加藤孫六嘉明。信長公

之丞子後稱左馬助叙從四位下任侍從為奧州會津城主。糟谷助右衛門等為後軍。松

紀秀吉按行樂田羽黑向小牧山築砦鑿塹二重謂之二重

堀高垣列柵日根野弘就其弟彌次右衛門以兵二千守二

重堀稻葉一鐵其子右京亮貞通孫彥六典通以兵四千守

巖崎山砦丹羽長秀以兵八千守小松山城森長可以兵三

千守青塚砦蜂屋出羽守賴隆金森長近以兵三千守內窪

城其餘村落林巒皆為陣營。家忠日記、秀吉譜、松榮紀事酒井忠次遣使

清洲曰今夜宿於此可速餉熟食眾不從忠次曰敵軍眾多

日已近晡及晚而戰必敗秀吉長于軍事自我挑戰彼必不

戰矣神祖然之。松榮紀事神原康政請以小牧山為營神祖許之

二十八日移陣小牧山使內藤信成守清洲牙城三宅康貞

大澤兵部大輔基宿。左衛門佐基胤子歷侍從至左近衛中將中安彦四郎守羅

城本多重次守星崎城。家忠日記、松榮紀事是夕我軍劫森長可營敵

兵驚擾長可深恥之。創業記、家忠日記、松榮紀事二十九日信雄至小牧

山四月朔秀吉後軍繼至充滿山野神祖兵亦相繼而至與

信雄兵合一萬八千餘騎四日池田勝入至犬山謁秀吉曰

參河之兵多在小牧山想必其國空虛今宜潛兵襲虛縱火

村里陷岡崎城還軍夾擊則小牧敵兵敗走不能支如指掌

矣秀吉沈吟未發言五日早旦勝入固請曰事在速斷若遲

二三日則無及矣秀吉許之且戒之曰汝明日至東參河焚

燒聚落可速班師分兵使成篠木栢井二壘慎勿輕戰即以

三好秀次為援軍森長可為副勝入喜曰秀次長可我女婿

也不假他兵立取參州以雪羽黑之恥然翁婿出軍無佗可

徵願別賜將以為異日之證秀吉乃使堀秀政副之是日秀

吉移自犬山陣于樂田六日勝入以秀次為大將與子之助

及長可秀政長谷川秀一率兵二萬餘騎夜半欲赴參州至

篠木栢井。家忠日記。松榮紀事。先是岡崎商人某來丸根城告其計於

酒井忠利。忠利單騎至小牧山。白之神祖。神祖令謀覘之。得

其實。松榮紀事曰。七日篠木邑人來小牧。山告之神祖。厚賞之。今從酒井家譜。八日。晡時。樂田舉

烽。神祖望之曰。是必敵出師也。與信雄下令曰。今須急赴小

幡。勿使敵軍知之。乃留酒井忠次。本多忠勝。石川數正。松平

家忠。及信雄之兵。守小牧山。夜半以大須賀康高。榊原康政。

水野忠重。其子勝成。本多康重。松平家信。及信雄之將丹羽

勘介氏次。兵合三千餘騎。為前鋒。出小牧山。卷旗匿幟。以紙

紮馬銜。至小幡砦。別使步卒五十人。至龍泉寺側。以覘形勢。

家忠日記。松榮紀事。並曰。本多廣孝。至龍泉寺側。覘形勢。而無步卒之軍。未知孰是。今從一本德川記抄。夜至小

幡議軍事。忠重曰。敵眾我寡。未易得志。聞敵軍列。前軍勝入。

二軍長可。三軍秀政。四軍秀一。後軍秀次。今出不意。掩擊後

軍。則彼必敗矣。諸將從其議。家忠日記。松榮紀事。謀告敵軍。過長湫。於

是七隊出小幡。從敵尾之。是夜四更。神祖率兵五百。諸書或作三千。

井伊直政率三千。諸書或作二千。為先鋒。出小牧山。從七隊之後。潛

師如前。故敵人不之覺也。一本德川記抄。小幡景憲傳。○景

得取勝。然小牧相去頗遠。歸路危矣。戰于小牧側。則秀吉必

援之。須以長秋為戰地。又謂先鋒七隊。兵寡敵兵最多。雖我

兵一旦有利。或不能遂勝。敵若逐我兵。則隊伍必亂。以麾下

神祖發兵從之。諸書為九日黎明。勝入前鋒。伊木清兵衛片

神祖先發者。誤故不取。桐半右衛門率兵二千餘騎。攻丹羽氏次巖崎城。氏次第二

郎介氏重拒戰。兵寡不能敵。氏重戰死。城遂陷。勝入大喜。將入參州。秀次秀一在小幡東岳飯朝食。卸鞍休士馬。前鋒七隊之兵急擊秀次陣。敵兵大駭。水野勝成先登獲首凡三級。其餘爭先奮擊。多斬獲。秀次秀一大敗走。諸將追擊之。勝成三級

據水野系圖。○年譜創業記並云。諸將破秀次于稻葉村。家忠日記云。小幡東岳稻葉村即小幡東岳也。勝入長可不知秀次兵敗。矜巖崎之捷。檢所獲首級。田中久兵衛稱秀次使者來堀秀政之營告敗。秀政瞋目叱之曰。汝三好家之重臣而當進退士卒。奉使非其職分。汝必遁逃而來耳。久兵衛無言而退。

○年譜創業記家忠日記。松榮紀事諸書無其醜。誠按田中吉政初稱久兵衛。事秀吉。公任兵部大輔。武功積累關原之戰。盡忠于神祖。賜筑後任筑後守。其非吉政

明矣。據菅沼系圖。田中久兵衛吉興。養菅沼主殿頭。定官為子。疑即其人。然無明據。故闕其名。不書。秀吉譜全據太閤記。而太閤記多出於愛憎者。未可盡信。今從家忠日記。松榮紀事而刪其餘事。

秀政率兵三千餘騎。整陣以待。頃之。康政長盛康高忠重等。逐北至秀政陣。秀政逆擊之。我軍經長途。人馬疲頓。遂為秀政所破。秀次敗兵乘勢還鬪。本多康重苦戰。身被七創。家忠日記。秀吉譜。松榮紀事。忠重與從兵八騎奮擊拒之。水野系圖。步卒隊將渡邊守綱豫見其機。欲至麾下趣兵。候騎內藤正成高木清秀遇諸途。問其故。守綱曰。我軍不利。敵兵乘勝。隊伍不整。以麾下兵戰。則必有利。正成清秀曰。麾下遙隔。吾輩監之。守綱還與前軍合。令步卒放鳥銃。敵兵披靡。諸士傳略。諸將進擊。秀政陣破之。加藤喜左衛門成

瀨小吉正成吉右衛門正一子後任隼人正小栗忠政大久保忠佐渡邊守

綱渡邊真綱其子六郎左衛門生綱等力戰獲首級神祖平

明至勝川喜其名應吉方擐甲進到長湫東松山信雄亦從

之神原康政岡部長盛來謁神祖執康政手流涕曰吾聞汝

輩失利不知其存亡甚憂之今見其無恙甚喜康政謝曰臣

等以寡兵擊破秀次三萬之衆故兵疲馬困反爲秀政所敗

今見大旆不忍決死含恥而來如忠重康高則逐敵向猪子

石而去矣秀次欲與勝入長可合軍復戰勝入長可陣于松

山東與秀政相距二町餘家忠日記松榮紀事渡邊守綱馳來白神祖

曰敵追我兵隊伍半亂前後離散以麾下之兵擊之卽有利

矣宜急進兵內藤正成歸言曰先鋒敗走請主公收軍速歸

岡崎諸書皆曰正成與清秀同言今從一本德川記抄高木

清秀馳入敵陣提首歸曰我軍必勝在于此時莫失其機本

多正信在傍聞之進曰汝輩何言之繆敵乘勢衆多我兵甚

寡豈可當耶守綱清秀怒曰子得寵遇坐蒲團巧財利習放

鷹何知軍之勝敗哉今主公無決斷故告其時機耳神祖哂

曰善卽令兵急進并伊直政將直馳正路三科肥前諫曰利

於繞山腰而進直政不聽近藤秀用馳來扣其馬令直政向

山腰直政乃出自長湫東南山腰分兵爲三隊神祖亦從之

下令曰須總軍發聲呼曳倒曳倒諸軍皆從之欲急擊秀政

陣。秀政不戰而敗走。直政奪其所陣之地而陣。麾下銃手五百人。據右山腰放銃。長可勝入亦放銃相持。安藤直次白神祖曰。自左山麓放銃則必有利。神祖然之。遣鶴殿兵庫命銃手曰。分半來此。銃手方與敵相挑。不能分半。又令村越直吉加加爪式部趣之。竟分銃手四十人而來。自左山麓放銃如雨。敵勢大挫。長可指揮士卒。挺衆來前。水野忠重之銃手放銃中其額而死。家忠日記、松榮紀事、曰、杉山孫六放銃。敵兵失色而亂。神祖厲聲曰。阿堵之陣既潰。汝等盍破勝入乎。諸軍進擊之。松榮紀事曰、直政分兵為三隊、急擊秀政之陣、秀政又敗、欲向樂田而去、勝入遣使止之、秀政之兵數戰而疲、故不能從、按秀政敗奔樂田、此後之事而在下文、鳥居金二郎與平松金二郎揮槍爭

今從一本德川記抄、

先是日第一槍。松榮紀事、○關原記大全載、加藤嘉明之語曰、長秋之戰、平松金二郎有功、家康賞之、金二郎怨賞薄、出奔、他邦、家康怒曰、吾賞戰士、獨金二郎一人、逃賞無禮之甚、故之、無以令士卒、即搜捕斬之、此可為良法、今村析之助不環甲而鬪。為第二槍。小野淺之助與敵相搏。獲首級。我兵摧堅挫銳。銃矢交發。松榮紀事、神祖遣筧勘右衛門渡邊半十郎。建葵紋白旗。金扇馬標于金根山後。出敵不意。敵兵大駭散亂。一本德川記抄、神祖颯旗厲士卒。與信雄合兵。大喊而進。敵兵悉敗走。勝入之兵秋田加兵衛。梶浦兵七郎。片桐與三郎。竹村小平太等。與直政之兵力戰而死。勝入失馬。欲入秀政之陣。路遙隔。不可復合。知其不免。乘麾坐胡床。永井直勝揮槍刺之。勝入不鬪而授首。時年四十九。安藤直次擊

其子之助獲首。本多八藏得長可之屍，斬其首而不知為長可。以為獲死者之首，非勇也。故棄之，取其佩刀，以為他日之證。井伊直政、水野勝成，手斬敵獲級。家忠日記、松榮紀事鈴木重好在直政之右軍，奮鬪獲三級。鈴木重好傳渡邊守綱、成瀨正成、蜂屋七兵衛、米津清右衛門、大久保忠鄰，皆力戰有功。秀次、秀政，雖以勇敢得名，遇神祖大敗，經篠木栢井，僅免奔樂田。我兵逐北，斬敵不可勝計，凡獲首一萬五千餘級。年譜曰：一萬餘級，今從家忠日記。神祖命大久保忠佐渡邊守綱，檢首級定戰功。永井直勝併勝入首及麾，佩刀號篠雪者，上之神祖悅，致之信雄。賜井伊直政及直勝弓，信雄亦賞直勝之功。賜勝入佩刀，本

多八藏上森長可之刀，然以棄其首，不錄功。八藏甚悔之。內藤正成、高木清秀、諫神祖曰：秀吉敏於軍機，聞其敗，必當來戰。我軍自旦至午，接戰甚疲，今與新兵鬪，則必見敗。不如全勝而退。神祖從之，乃與信雄收軍還小幡。秀吉譜年譜附尾，並云：本多正信內藤正成、諫神祖，今從松榮紀事。秀吉在樂田，聞秀次敗，策馬急赴龍泉寺，二萬餘兵相踵而至。小牧山守將酒井忠次、本多忠勝、松平家忠，欲乘虛襲擊樂田營。石川數正為秀吉所誘，潛蓄異圖，故不出兵。固沮之。忠次家忠大怒，疑其有貳，收兵還營。先是本多忠勝遣梶金平視軍勝敗，良久不歸。忠勝怪之，以為忠次數正在此留守，不乏其人，不如赴戰場。乃將五百餘兵，經春

日井追秀吉。金平與敵鬪。獲級而歸。告以軍事。忠勝抗秀吉。大軍而並行。相距纔四五町。勇氣勃然。時時使步卒放銃。擊秀吉軍。部兵永井與二郎馬逸入敵陣。與二郎追之。入大軍中。忠勝見其危。單騎犯陣。遂得馬授與二郎。回轡而鬪。敵不敢進。遂與與二郎俱歸。秀吉前鋒請擊之。秀吉曰。勇士也。勿擊之。他日秀吉謂左右曰。忠勝寡兵不畏我大軍。可謂膽大矣。或告忠勝。忠勝曰。吾非欲與秀吉爭雄。唯冀一戰以死耳。戰死移時。則秀吉到長湫。可以遲滯。然則我公得勝必矣。家忠

日記松榮紀事本多家譜。○按十四年神祖與秀吉公講和謁大阪城。秀吉公面諭忠勝亦與此語相類。可併考。既

而忠勝至小幡。請神祖曰。臣一軍不與今日之戰。士馬雄健。

願益以水野忠重之兵。夜襲龍泉寺之營。則獲秀吉之首必矣。神祖壯其言而不許。忠勝固請。神祖曰。今日之戰。吾得大勝。矜勝則危。况秀吉勇略出群。其可侮哉。日既晚。秀吉引兵至田中。欲待明日決戰。其夜神祖與信雄經平戶。還小牧山。秀吉聞之。拊掌曰。家康用兵。變化不測。如神矣。信雄稱忠勝之勇。授佩刀以賞之。十日。秀吉去田中。還樂田。屯小松寺山。鑿塹築砦。圍小牧山之三面。西則日保曼陀羅寺。東則自二重堀接小松寺山。北則青塚小口樂田。軍士雲屯霧合。長湫之戰。雖秀吉之兵多死。猶有數萬騎。分為七隊。松榮紀事曰。東西中軍三

隊。今從家忠日記。神祖分兵一萬八千餘騎。為十六隊。自二重堀前

至東野。整陣而列。酒井忠次。并伊直政。松平家忠。為前鋒。敵將長岡忠興。蒲生氏鄉。堀秀政。長谷川秀一。率兵一萬餘騎。守二重堀。見我軍出。馳使告秀吉曰。小牧之兵。欲決勝負於一舉。請分麾下為援兵。秀吉固止之曰。小牧之兵來攻。則整陣拒之。必勿自我作戰。神祖亦下令曰。敵越二重堀而來前。則當接戰。不然。必勿挑戰。故兩軍相持不戰。日既過午。神祖撤軍還小牧山。年譜。創業記。家忠日記。松榮紀事。○家忠日中在肥前名護屋。與神祖談軍事。秀吉問曰。往年樂田小口。置陣相對。何不擊退二重堀之兵。神祖曰。當時下令云。小松山之敵來進。則當接戰。不然。勿使自我出兵。秀吉曰。其意如何。神祖曰。我兵攻二重堀。則樂田之兵。必夾擊敗之。故將佐欲戰。吾固戒之。秀吉大感其言。曰。吾以二重堀兵為餌。卿必來擊。然則樂田大軍夾擊。不使一人。生還。故吾亦下令。不使

出。兵。卿能察見吾肺腑。可謂奇矣。神祖亦稱秀吉之將略。聞者皆歎服。十四日。秀吉修羽黑舊

壘。使堀尾茂助吉晴。中務吉久子。後稱帶山内伊右衛門一

豐。但馬守威豐子。後任對馬守。更伊藤掃部助成之。築十餘

砦。以對小牧山。家忠日記。松榮紀事。二十二日。秀吉將兵六萬餘騎至

青塚。修二重堀。使木村常陸介定光。神子田半左衛門。小寺

官兵衛孝高。美作守識隆子。後更黑田氏。秀吉公之謀臣。剃髮號如水。明石右近成之。其

夜信雄之兵。襲二重堀。多獲首級。敵將長岡忠興擊却之。年譜。

創業記。家忠日記。松榮紀事。神原康政移書樂田陣營曰。秀吉茂如君恩。

與信雄。卿構難。滔天之罪。孰不惡之。凡在將士。何忘大義。而

黨于不義之人耶。秀吉聞之大怒。下令能得康政首者厚賞

之。松榮紀事五月朔秀吉留堀秀政於樂田使加藤光泰守犬山

城將兵八萬餘騎將歸大阪赴美濃渡宇留浮梁小牧諸將

欲出擊之神祖不許剽悍壯士十五六騎追擊獲首十餘級

家忠日記三日信雄聞秀吉班師出小牧山入勢州河內城

松榮紀事秀吉以為百里暴師無功而還必取人笑遂攻信雄管

內加賀井竹鼻二城拔之入大垣城六月十一日秀吉軍多

藝築直江砦使丸毛三郎兵衛成之引兵還大垣十二日神

祖使酒井忠次守小牧山收兵還清洲年譜創業記家忠日記松榮紀事

臣按孟子曰春秋無義戰彼善於此則有之矣應仁以來

群雄割據四海鼎沸下陵上替無日不用干戈生民塗炭

至此已極而求其所謂義戰者蕩然無有矣唯永正四年

細川右京大夫澄元起兵阿波討其族九郎澄之以復父

政元之讐時人稱為義戰然澄元幼弱皆其宰三好筑前

守之長之謀也歷七十餘年秀吉公山崎之戰討故君之

讐得逆賊之首可謂義戰矣禮葬故君於紫野躬率群臣

以極哀慟可謂能盡臣節矣然墳杵未收殺信孝於內海

其視岐阜幼君如弁髦然究其心術假借仁義之名以濟

其私猶不能及久假而不歸者况敢望其餘哉信雄不勝

忿忿之心欲起兵討之而力不能敵乞師濱松而神祖應

之捷於影響初本能寺之變神祖航而還參河大興義旅

以討賊臣秀吉公之捷報。至鳴海而班師。大義已伸於天下。而又援信雄以拒大敵。長湫之戰。斬三梟將之首。而敵軍魂褫氣懾矣。全師制勝。謀略如神。秀吉公將十萬之兵。無所施其方略。終至講和而修好。非神祖之義舉。則信雄敗歟。可翹足而待矣。其不遺故舊。篤于信義。未嘗有一毫利己之心。雖非弔民伐罪之師。而過乎彼善於此者多矣。瀧川一益為長島城主。領伊勢五郡。柴田勝家滅後。失援流寓越前大野。秀吉惜其材武。給食邑五千石。與富田知信成勢。州木造城。聞秀吉與信雄構兵。欲建功以結秀吉。先是信雄將佐久間正勝守蟹江城。前田甚七郎長種後為對馬守守前

田城。長種部曲前田與平次守下市場城。山口重政守大野城。至是信雄使正勝築萱生砦。正勝留前田與十郎於蟹江城。赴萱生。與十郎一益之表兄弟也。表兄弟據年譜附尾故一益伺其間。遣使說與十郎屬秀吉。使翻蟹江城為內應。長種與平次亦黨之。九鬼右馬允嘉隆宮內大輔定隆子。後更大隅守與一益同謀。一益乘舟將入蟹江城。與十郎舉烽為應。神祖在清洲見煙起。知其有反計。使井伊直政進擊之。親將兵為後繼。內藤家長前鬪。斬敵數人。本多忠勝水野勝成奮戰。按二書不載本多忠勝今據本多家譜一益不得入城。山口重政母為質在城中。故一益嘉隆遣使大野城招之。重政不可。一益怒。與嘉隆合兵攻之。重政兵

寡難敵。告急神祖信雄及正勝乞援。敵兵攻城甚急。浮戰艦數十艘於大野川以逼城。重政投炬燒其二艘。敵兵騷擾下船。緣堤而陣。神祖聞重政之報。使直政救之。信雄亦遣援軍。擊却之。既而信雄來大野城。勞重政。神祖屯戶田。召重政。褒其拒守之功。賜良馬。家忠日記。松榮紀事。十六日。一益納兵於前田下市場二城。十八日。神祖使石川數正安倍彌一郎及信雄之兵攻前田城。城主前田長種力屈乞降。致城而去。十九日。神祖信雄攻下市場城。九鬼嘉隆欲率舟師入城。潮落不得進。岡部彌二郎長盛擊破之。長盛二郎右衛門正綱子。後叙從五位下。任內膳正。嘉隆遁去。一益亦欲泛海而走。信雄之兵乘戰艦數十艘追之。奪一

益馬標。間宮造酒允信高入一益之船。力戰而死。其夜下市場城陷。前田與平次欲出前田城遁去。山口重政之兵追擊之。獲其首。一益僅遁入蟹江城拒戰。本多八藏取薊棄森長可首不錄其功。奮鬪而死。是日一益子三九郎為殿。水野勝成橫擊破之。被創二。二十日。梟我兵所獲首一百二十餘級於小幡山。二十二日。神祖信雄將兵圍蟹江城。酒井忠次。松平家忠。水野忠重。丹羽氏次。天野周防守。及長澤之兵攻城。東南海門寺口。勝成被創。忠重圍城。竝據水野系圖。大須賀康高攻城北。信雄之兵攻城西。城兵固守拒戰。忠次家忠酒井忠利松平康安等。力戰破之。忠次兵疲。及晚。榊原康政代忠次而攻之。其夜

康政家忠急攻破第二城第三城一益窮蹙僅保牙城家忠日記

松榮紀事二十八日小牧成兵出規樂田營與敵鬪獲首數級我

兵亦死傷年譜創二十九日一益力殫請和信雄謂神祖曰

一益事信長有功不忍殺之丐其命神祖許之諭一益曰斬

城將前田與十郎首誓其無貳則舍汝七月三日一益殺與

十郎獻首神祖上誓書乞降神祖許之一益走神戶太閤記

年譜創業記家忠日記松榮紀事秀吉欲救一益將兵由

大垣向蟹江城既陷故引兵徑歸大阪○秀吉譜家忠日記

秀吉公未嘗居京師蓋當時概稱其後一益寓于京師妙心

寺秀吉以其為丹羽長秀之姻戚放之越前家忠日記

臣按瀧川一益當信長公時謀必中戰必克智勇無出其

右者及信長公被弒勢變事去孤立無援秀吉公惜其才

使居木造城而貪功徼利之心終不能息以中表之親誘

前田與十郎使之叛信雄而黨於己奪蟹江城以媚秀吉

公而欲與神祖爭鋒何其不自量也及至勢蹙計窮則斬

與十郎以圖苟免何其不義之甚也智勇俱困流死北越

謀之不臧終無容身之地豈天禡其魄狼狽至此耶

五日神祖至桑名築砦四日市場十三日還清洲十五日樂

田成將屢出候騎覘小牧營小牧成兵擊却之年譜創業記

榮紀八月十六日秀吉將兵八萬六千又至濃州創業記考

十六萬騎今從創業前鋒陣于樂田羽黑二十一日秀吉進

屯上奈良五郎丸二十七日神祖使松平家忠至羽黑樂田

偵敵陣形勢二十八日秀吉焚掠樂田近邑神祖由清洲陣

于巖倉九月朔松平家忠出兵樂田取秋稼七日秀吉移陣

茂呂二十五日秀吉修砦于上奈良河田大野三邑置兵成

之引入大垣城年譜創業記並云十七日秀吉引兵而退據

垣今從之二十七日神祖還清洲是月神祖使管沼小大膳定利

松榮紀事作正家今從管保科正直諏訪賴忠攻信州妻籠

城秀吉遣兵援之定利解圍而去城兵尾擊之甚急正直為

殿擊却之全師而歸家忠日記十月神祖重修小牧要害使

松平家忠管沼定盈守小幡城酒井忠次守清洲城榊原康

政守小牧十七日神祖斂軍還岡崎城年譜創業記家忠是

月賜駿州長窪城於牧野康成家忠十一月六日秀吉至伊

勢陣于羽津使蒲生氏鄉守名穗生城家忠日記名穗生

蜂須賀彥右衛門正勝守桑部正勝小六正利子叙從信雄

屯長島桑名與秀吉相持家忠日記秀吉水野忠重先至桑

名隔水而陣秀吉不敢侵桑名水野九日神祖由岡崎至清

洲為之聲援秀吉謂富田知信津田隼人正信勝曰信勝刑

某子德川歷代作信秀我受右府之厚恩非口舌之所能盡

故誅賊臣光秀立報君讎右府有靈豈不忻忻於地下哉信

孝信雄信讒欲伐我故不得已舉兵應之此豈我素志哉不
 幸信孝罹禍今欲與信雄講和誓明神以赤心靡佗卿曹宜
 體其意知信信勝深感其言至桑名營就土方勘兵衛雄久
 彦三郎後為河內守彦三郎某子初襲稱告其言於信雄信雄喜而許之秀吉大
 悅十一日秀吉信雄會于矢田河原年譜矢田河原作所屋川今從家忠日記秀吉
譜松榮紀事○按秀吉譜據太閤記以講和為數人先至盟所待信雄至繫踞曲拳流涕曰今日以天之保
 佑得拜主君之顏幸甚乃獻良劔厚禮之信雄使知信信勝
 諭秀吉曰犬山吾嘗所領願得之秀吉奉命而退兩軍凱旋
 神祖不知會盟既成在清洲聞之以石川數正為使賀秀吉

十六日神祖發清洲還岡崎德川記為十一日今從年譜創

事凡小牧長湫之戰將士有功者不可勝計神祖賞之或賜

書牒或給采邑各有差畠山左衛門佐貞政左衛門督受神

祖之旨督根來雜賀之兵欲待信雄之報自後攻樂田長曾

我部土佐守元親信濃守覺世子歷宮內與貞政合謀將侵

大阪以和議成各解兵去松榮

臣按松榮紀事曰相傳秀吉智計殊絕故託不忘信長之
 恩而為和議其實知神祖之勇略難敵故為此舉而信雄
 不悟不告神祖而講和人皆譏其無義氣也太閤記曰信
 雄營中群疑沸騰故和議速成臣竊謂此必秀吉公縱反

間使信雄眩惑也。故不告而和親。負神祖之義舉。大失將士之心。制於人而不能制人。宜其終為秀吉公見放也。德川歷代曰。信雄有勇不果敢。臨事無謀慮。輕信人言。終受其累。斯言得之矣。

二十一日。神祖出岡崎還濱松城。年譜創二十二日。秀吉為

權大納言。進從三位。公卿補任家忠業記秀吉在大阪。遣羽柴勝

雅富田知信津田信勝於濱松乞和。神祖集將佐議之。石川數正進曰。秀吉領天下之半。豪傑響應。主公之兵不能及其半。北有上杉景勝。東有北條氏政。三面受敵。則終難得志。願早許和。以為長久之計。神祖怒曰。吾兵雖寡。豈畏秀吉之大

軍哉。今不與秀吉決勝負。更待何日乎。固拒不受。三使虛歸。

松榮紀事十二月十四日。信雄來濱松。至酒井重忠家。謝神祖援

助之勞。翊日。饗于濱松城。信雄從容謂神祖曰。卿非素與秀

吉有仇讎。特為援吾發兵交戰耳。今吾與秀吉講和。卿亦釋

怨和親。遣一公子於大阪。則秀吉養為子。永以結好。此秀吉

之志也。神祖不得已許之。二十五日。信雄將還清洲。神祖使

之放鷹吉良。命松平家忠饗之。其後神祖遣長庶子於義麻

呂於大阪。時年十一。石川數正子勝干代。本多重次子仙干

代從焉。仙干代後稱丹下名成重為飛驒守○高力系圖曰

是年神祖與秀吉講和以高力與左衛門清長為使秀吉賜豐臣姓叙從五位下任河內守按神祖講和秀吉大

悅養於義麻呂為子。授羽柴氏名秀康。任參河守。給米地一

萬石於河內。年譜家忠日記。秀吉譜。松榮記事。米地一萬石。據創業記。○年譜創業記。並云。十二月十二日。

遣秀康於大坂。十四日。信雄來濱松。謝援兵。按秀吉公數講

和親。神祖峻拒之。信雄述秀吉公之意。然後神祖許之。不應

先遣於義麻呂于大坂。而後信雄說神祖。家忠日記。松榮記事。不係日。但云其後。今從之。神祖欲以異父

弟定勝為秀吉養子。大夫人懲其兄康俊質於甲州。而僅得

免歸。不聽。故遣於義麻呂。家忠日記。松榮記事。是月。越中富山城主佐

佐成政。歷山路。冒深雪。而來濱松。就本多忠勝。謂神祖曰。請

再起兵擊秀吉。則自越中出兵。東北合擊。必得大勝。神祖不

可曰。吾無怨仇於秀吉。前日之事。救信雄之急。以報信長之

厚眷耳。吾既統領五州。縱滅秀吉。豈假卿兵力乎。成政失望

而去。至清洲。說信雄再出師。信雄不許。其後秀吉聞之大怒。

年譜及松榮紀事。一說。並云。秀吉欲擊此國。成政來濱松。乞

援。神祖許諾。遣人視行軍之路。還報曰。信飛之險隘。不易出

兵。故止。今從創業記。家忠日記。及松榮紀事。正文。是歲。玉蟲二郎左衛門景茂。二郎

右衛門繁茂。並事麾下。玉蟲系圖。景茂兄弟。式部少輔貞茂

玄繁。茂事信玄及勝賴。

十三年乙酉正月十六日。神祖如岡崎。年譜創業記。家忠日記。松榮紀事。是

月。此條氏直遣使濱松。告攻下野佐野城。克之。送城主佐野

修理亮宗綱首。創業記。松榮紀事。宗綱。小太郎。二月。神祖還濱松。

命參州諸將。築吉良城。家忠日記。松榮紀事。三月十日。秀吉為內大臣。

進正二位。公卿補任。家忠日記。秀吉譜。小牧之戰。根來寺僧徒。屬神祖及

信雄焚掠大阪側近。侵泉州岸和田。城主中村孫平次一氏

擊破之。孫平次後任式部少輔。遷為駿府城主。四月。秀吉將兵攻根來寺滅之。

創業記家忠日記。秀吉譜松榮紀事。是月。神祖按行甲州。六月七日。還濱松城。

年譜創業記家忠日記。松榮紀事。七月十一日。內大臣秀吉為關白。進從一

位。公卿補任家忠日記。秀吉譜。十九日。神祖如駿府。先是神祖在甲州。與

此條氏直約。以上野沼田易佐久郡。松榮紀事曰。佐久郡留二郡。按十年定約。佐

久一郡。家忠日記亦無都留郡。今從之。至是氏直請沼田地。神祖遣使信州上

田。使真田昌幸以沼田予氏直。昌幸對曰。沼田非君侯之所

賜。亦非氏直之所授。昌幸自以兵力所取也。庸詎輒予氏直

乎。往年氏直相持甲州。昌幸屬君侯。盡忠戰場。而僅給上田

斗大之城。常怨論功之薄。今有何罪。遽奪沼田。使氏直有之

乎。勿使使者復來。遂叛神祖。訴其狀於大阪。屬秀吉麾下。秀

吉大喜。授印章。命上杉景勝為之聲援。八月。神祖使大久保

忠世。鳥居元忠。平巖親吉等。將兵擊昌幸。岡部長盛。柴田康

忠。諏訪賴忠。保科正直。矢代勝永。及知久。遠山武川。蘆田等。

甲斐信濃之兵。合七千餘騎。閏月二日。諸將攻上田城。城兵

不出戰。我兵侮之。進入第二城。欲縱火。柴田康忠曰。我既入

郭內。敵急來擊。縱火則不得出。故止之。昌幸使時田出羽高

月備中。以四百餘騎守城。松榮紀事。以時田出羽為昌幸弟。按真田系圖。昌幸弟唯有隱岐

守信尹。初稱葛野市右衛門。而無時田出羽。未知何據。故今闕疑。不書其弟。長子源三郎信幸。後

伊豆守幸或作之。按年譜松榮紀。率二百餘兵守城門。昌幸

自率八百餘騎。列柵街巷。以塞道路。使土民三千餘人執紙

旗烏銃。伏於山谷。德川記。三河物語家。凡信州之地。村落不

雨而深山雨。土人謂之峽窰。是日自前夜天陰。昌幸以為此

必峽窰。日中則城下神川大漲。宜使敵兵溺死。一本德川記抄。我兵

不知其謀。進攻街口柵。出羽備中佯退入城。我兵亂隊伍追

之。信幸進將擊之。我兵猶豫。昌幸大喊橫擊之。伏兵一時齊

發。聲震山谷。信幸及出羽備中亦出城奮擊。我兵敗績。退至

街口。礙於柵木不得出。多戰死。人皆咎柴田康忠不燒外郭。

大久保忠世平巖親吉放銃矢拒敵。引兵退。忠世之兵本多

主水親吉之兵尾崎左門兄弟為殿。昌幸尾擊之。左門兄弟

力戰而死。我兵僅免。鳥居元忠平巖親吉還軍整隊。使步卒

放銃。昌幸使信幸及其弟左衛門佐信仍。信仍諸書皆作幸村。今據左衛門佐

手筆訂之。率五百騎橫擊之。昌幸信仍直前衝突。德川記。三河物語家忠日記。松

榮紀。諸將皆敗。走至神川。水果大漲。敗兵不測淺深。爭先競

涉。多溺死者。竟如昌幸所料。一本德川記抄。昌幸信仍乘勢追擊。忠

世僅以十四五騎當之。退至加賀川。我兵死者三百五十餘

人。唯酒井與九郎獨得首級。城兵死者纔二十一人。忠世留

在川上。弟忠教見其幟還鬪。斬敵一騎。豎忠世之旗。敗兵稍

稍來集。保科正直諷訪賴忠挺眾力戰。二家之兵多死者。忠

世得兵三百餘人。布陣岡阜。昌幸陣于川上。兩軍相距可三十步。忠世遣使元忠親吉正直之陣曰。我將涉川擊敵。使彼不得入城。請三子出兵爲後繼。元忠謂使者曰。我兵撓敗。不可復振。縱使涉川戰勝。而城兵及上杉景勝之援兵。大軍競進。則勢不可當。彼若涉川而來。便可決戰。不可自我爭鋒。親吉正直亦不出兵。忠世不能獨進。抑怒而止。旣而昌幸引兵入城。其不涉水來戰者。忠世相持川上之功也。三日。忠世與柴田康忠率信州之兵。渡筑摩川。出八重原。將攻丸子城。昌幸見之。出而陣于手白塚。忠世以康忠爲使。謂元忠親吉曰。可速出兵來此。我與岡部長盛。松平源十郎。諏訪賴忠等。合

兵擊敵。蹙之於彌津原。不使一人生還。元忠曰。昌幸素多謀略。自戰其地。能諳險夷。援軍在後。不可輕戰。彼出步卒備我。此必誘我陷于險隘。大軍夾擊之謀也。前日之戰。爲彼所誘。以取敗。不如持重養銳。見機而進。親吉亦不肯出兵。康忠憤懣。歸告忠世。忠世怒其畏敵。又遣使曰。二子不能出兵。則繼我後而來。爲聲援。元忠親吉又不從。往復之間。昌幸收兵而去。忠世大怒曰。以我兵寡。使籠中之鳥脫去。可奈何。忠世不能獨攻丸子。屯八重原。以伺其間。昌幸出城外。可十町。置陣相對。諸將不敢戰。遞出候騎。更番戍陣營。十九日。諏訪賴忠番兵。與昌幸之兵鬪。二十日。岡部長盛。柴田康忠出戍兵。昌

幸信幸在步卒中。過康忠陣前。康忠急擊之。昌幸兵敗。捨懺而走。長盛以為與敵雜糅。接戰必難。乃緣河騎提。出敵後而馳突。昌幸信幸指揮騎士拒之。長盛乘麾而進。敵兵馳來救。昌幸父子。長盛之兵。杉山總藏。千野十介等八九輩。力戰破之。斬城兵數十人。獲首級。信幸猶欲進鬪。昌幸止之。引兵去。此後昌幸父子。雖屢出窺我陣營。而不敢復近。忠世與諸將議。遣松平康國○本書書松平源十郎而不名。按依田信蕃子源十郎。賜姓名曰松平修理亮康國。在上文十一年。及弟忠教於天神林。以備敵。諸將堅守陣營。不敢出兵。神祖聞諸將兵疲。命大須賀康高。井伊直政。松平周防守康重等。康重周防守康親子。襲稱周防守。將五千餘騎為援兵。使收軍而還。岡

部長盛。上首級於濱松。神祖以村上彌右衛門為使。賜長盛及其臣杉山總藏等九人書。以褒其功。康高直政至信州。欲急攻上田城。聞上杉景勝受關白秀吉之旨。大發援軍。與諸將議。放火丸子。乘其勢而退軍。留大久保忠世於小諸城。以備昌幸。保科正直。諏訪賴忠。大草知久。下條等。各歸其邑。嚴兵防之。年譜創業記。德川記。三河物語。家忠日記。松榮紀事。臣按。真田昌幸。彈正幸隆之子。武藤喜兵衛也。自幼事武田信玄。更歷戰陣。長於謀略。二兄信綱。昌輝。戰死。長篠。故勝賴使之復本姓。以統其眾。上田之戰。能困關東之諸將。其將略可知矣。參河物語書。鳥居元忠之舉動。過於畏蜀。

如虎者。諸書據之。以為信然。夫元忠百戰之餘勇。三方原
誣訪原之軍。裹創猶戰。膽氣益壯。及守伏見城。義烈震天
下。舉世所共知也。一勝一敗。兵家之常。始雖垂翅。回谿終
能奮翼。澠池如平巖。親吉保科正直。亦其畏縮孱懦。未必
至於如此之甚。家忠日記刪略不書。蓋有所見矣。參河物
語。大久保忠教之所撰。多歸美於其兄忠世。而不無愛憎
之言。亦猶鄴侯家傳出於李繁之筆也。故臣今折衷取其
可信者書之。庶得其中矣。

是月。關白秀吉聞佐佐成政通謀濱松。將兵至越中。攻富山
城。織田信雄從焉。成政乞降。秀吉赦之。挈成政還大阪。創業
記秀

吉譜松九月十八日。神祖敗于田原。十月三日。還濱松。創業
榮紀事

九月十五日。自駿府還濱松。二十五日至吉田。晦至岡崎。據
家忠日記。九月十八日。敗于參州田原。淹留數日。創業記作
十五日。還濱松。蓋誤。而年譜家忠日記。並云。十月三日。還駿
府。亦誤。創業記作濱松。為是。彼此各有得失。故松榮紀事不
係。月日。今擇
其可者從之。神祖名諸將。試問可送質於大阪乎。諸將對曰。

今諸州豪傑。爭先納質。不可效彼所為。神祖雅所不欲。故終
不送質。此條氏直遣將士二十人於濱松。獻誓書。請和協軍
國事。神祖亦命將佐各送誓書。家忠日記
松榮紀事先是石川數正留
守岡崎。小牧之戰。有人告神祖曰。數正密通款于秀吉。神祖
以其累代重臣。不之信。數正數使於大阪。秀吉使之勸神祖
來京師。神祖不聽。數正以為神祖終不可從。秀吉第三子既

為質。第二子勝千代從於秀康。共在大阪。不如往就之。松榮紀事

○甲陽軍鑑曰。秀吉約以采地八萬石給數正。故出奔併附于此。十一月十三日。數正挈妻

孥出岡崎。奔大阪。松平家忠在深溝城聞之。距岡崎三里。其

夜策馬馳至岡崎。數正既至尾州。家忠先據新城。七之助之

堡而陣。參州之士未有一人至者。家忠分配士卒警衛城門。

十四日。酒井忠次馳自吉田至岡崎。參州諸將相踵而至。忠

次告狀濱松。神祖賞松平家忠速至。使還深溝城以慰士馬。

始數正出奔。遣使勸松平五左衛門近正同奔大阪。近正左近乘正

孫左衛門尉親清子。近正却之。使若再來必欲殺之。數正覺之不復遣

使。時近正在松平乘勝家。乘勝乘正子近正伯父稱源二郎。其日遣子新二

郎。一生與乘勝之臣二人於濱松告其狀。使留一生於濱松。

至是神祖賞其忠純曰。近正不黨于叛臣數正。去年蟹江之

役力戰厲忠。乃賜短刀於一生。使還大給。又遺書小田原告

數正。出奔於北條氏。直遣使小諸城召還大久保忠世。忠世

以為棄此城而歸岡崎。則數月之功徒為虛矣。聞武田信玄

有瞽兒稱海野龍寶。真田昌幸迎之為將。上杉景勝乘弊入

甲州。則土人作亂。事不可為。當擇善守者使居此城。遍問部

下。無敢應者。諭弟忠教守之。忠教諾。忠世喜至岡崎。是月至

明年二月。忠教守小諸城。北地深雪。景勝昌幸不能出兵。忠

教得成將更番歸岡崎。三河物語德川家忠日記松榮紀事。石川數正既至

大阪意必得秀吉之殊遇。厚蒙恩賚。而秀吉待之甚薄。人或

榜其門以譏其背舊主。數正羞之。杜門不出。年譜附尾松榮

日記秀吉譜松榮紀事十八年秀吉滅北條氏大封諸侯以

信州松木城授數正時為出雲守按松木是時稱深志注于

下十五日神祖臨酒井忠次第觀申樂。○創業記曰放鷹吉

次所守蓋放鷹而觀。申樂也。今從年譜。十六日神祖恐人心動搖。至岡崎以鎮

壓之。十八日命參州將士修繕岡崎城。二十二日如西尾城。

二十七日還岡崎。○年譜曰二十三日狩參關白秀吉既定

南海北陸。天下將歸掌握。唯憂神祖難服。焦心勞思。乃與織

田信雄議。召羽柴勝雅。織田信益。土方雄久。諭旨。○家忠日

今從創業記使為和議。曰。石川數正來奔。彼必不平。汝曹善

松榮紀事

處之。二十八日勝雅信益雄久至岡崎。謁神祖。開陳秀吉之

意。信雄亦就三使勸神祖入京師。神祖曰。長湫之戰。吾所斬

獲皆有名之士。秀吉當洩憤於吾。不可輕入京師。儻以大軍

來攻。則吾折箠笞之耳。卿等勿復來說。三使無語而退。相議

曰。直報此言。則必逢關白之怒。然事既重大。不可不以其實

告。遂以其言歸報。秀吉不怒而領之。年譜創業記家忠日

記秀吉譜松榮紀事及石川數正亡去。參州城主多納質于濱松。本多康重納第二

子二郎八紀貞。後為備神祖嘉之曰。汝家世篤忠貞。絕無攜

貳之心。何用質為。乃送還紀貞於祖父廣孝。隸數正部曲八

十騎於內藤家長。本多重次惡數正之所為。以計取所質於

大阪長子仙千代使來岡崎。松榮紀事城中傳稱秀吉將攻參州。

神祖召諸將問孰能可守岡崎者。本多正信對曰。手刃妻子。

枕城而死者可也。神祖乃給精兵數百騎於本多重次。守岡

崎城。更仙千代稱曰丹下。賜書褒重次之武功。松榮紀事前車後語集

十二月三日。信州深志城主小笠原貞慶攻保科正直所守

高遠城。正直擊破之。多獲首級。貞慶敗走。○按貞慶叛服不常十五年歸順後

不復叛事詳小笠原家譜又按深志城今松本城也貞慶復先業更其稱神祖褒之。賜書及包水

刀於正直。創業記曰正直不戰一戰神祖欲出師信州。本多

重次諫曰。請斬臣等首。然後發兵。神祖乃止。年譜附尾九日。狩于

西尾。十八日。至岡崎。十九日。還駿府。二十八日。神祖兼右近

衛大將。為右馬寮御監。年譜○本書作左馬寮據家忠日記松榮紀事十五年十二月為左馬寮

御監左蓋右字是月加給本多重次采邑五十貫。酒井忠次

一千五百貫。榭原康政。本多忠勝。大久保忠鄰各一千貫。鳥

居新太郎忠政。元政子三百貫地。年譜附尾是歲。以青山藤七郎忠

成為世子。長麻呂傳。忠成喜大夫忠門子後為常陸介更播磨守○松榮紀事曰以忠成及內藤彌

三郎為傳家忠日記無彌三郎今從之按台德公立為世子諸書無明文今據置傳書世子下倣之淺井半兵

衛。鴨田權右衛門。瀧六藏。為抱負之臣。家忠日記松榮紀事從三位平

信雄。叙正三位。為權大納言。公卿補任○本書無月日書左中將如故豈不歷參議中納言

而陞大納言乎未詳

松井甲太郎書

一、...
 二、...
 三、...
 四、...
 五、...
 六、...
 七、...
 八、...
 九、...
 十、...
 十一、...
 十二、...
 十三、...
 十四、...
 十五、...
 十六、...
 十七、...
 十八、...
 十九、...
 二十、...
 二十一、...
 二十二、...
 二十三、...
 二十四、...
 二十五、...
 二十六、...
 二十七、...
 二十八、...
 二十九、...
 三十、...
 三十一、...
 三十二、...
 三十三、...
 三十四、...
 三十五、...
 三十六、...
 三十七、...
 三十八、...
 三十九、...
 四十、...
 四十一、...
 四十二、...
 四十三、...
 四十四、...
 四十五、...
 四十六、...
 四十七、...
 四十八、...
 四十九、...
 五十、...
 五十一、...
 五十二、...
 五十三、...
 五十四、...
 五十五、...
 五十六、...
 五十七、...
 五十八、...
 五十九、...
 六十、...
 六十一、...
 六十二、...
 六十三、...
 六十四、...
 六十五、...
 六十六、...
 六十七、...
 六十八、...
 六十九、...
 七十、...
 七十一、...
 七十二、...
 七十三、...
 七十四、...
 七十五、...
 七十六、...
 七十七、...
 七十八、...
 七十九、...
 八十、...
 八十一、...
 八十二、...
 八十三、...
 八十四、...
 八十五、...
 八十六、...
 八十七、...
 八十八、...
 八十九、...
 九十、...
 九十一、...
 九十二、...
 九十三、...
 九十四、...
 九十五、...
 九十六、...
 九十七、...
 九十八、...
 九十九、...
 一百、...

烈祖成績卷之六終

...

